

傷寒指掌卷之三

歸安吳貞安原本

元和陸懋修九芝重訂

傷寒變症

傷寒有本病有變病本病者如太陽有頭痛項強陽明有潮熱譫語是也治法不外本經故即附於本經之下變病者本不應有此病祇因治不中竅或遷延日久而變生諸症如蓄血結胸等症是也治法不得不隨症用藥國病施治用以列左以盡傷寒之變

衄血 新法

衄血者血從鼻中來也傷寒衄血其因有三太陽失表熱瘀於經而衄者有頭疼目暝之徵宜清解之羚羊角黑梔子連翹赤芍丹皮元參薄荷黑荊芥鮮生地牛膝澤瀉茅根之屬降之清之不可再汗也陽明失下熱瘀於裏而衄者有得水不欲嚥之徵宜下解之生地赤芍丹皮牛膝查肉桃仁大黃之屬下之清之此釜底抽薪大黃不妨重用也更有溫熱之症藥宜涼解誤用辛溫而動經

傷寒指掌卷之三

傷寒變症

衄血 吐血 蓄血 熱入血室 痞 痞滿 結胸 下利 小便不利
疹 發黃 瘥 發狂 煩躁 停飲 心下悸 嘔吐 吐衄 嘔噎
呃逆 喘 奔豚 動氣 戰振慄 筋惕肉瞤 循衣摸床 不食不便

傷寒指掌卷之三

歸安吳貞安原本

元和陸懋修九芝重訂

傷寒變症

傷寒有本病有變病本病者如太陽有頭痛項強陽明有潮熱譫語是也治法不外本經故即附於本經之下變病者本不應有此病祇因治不中竅或遷延日久而變生諸症如蓄血結胸等症是也治法不得不隨症用藥國病施治用以列左以盡傷寒之變

衄血 新法

衄血者血從鼻中來也傷寒衄血其因有三太陽失表熱瘀於經而衄者有頭疼目瞑之徵宜清解之羚羊角黑梔子連翹赤芍丹皮元參薄荷黑荊芥鮮生地牛膝澤瀉茅根之屬降之清之不可再汗也陽明失下熱瘀於裏而衄者有得水不欲嚥之徵宜下解之生地赤芍丹皮牛膝查肉桃仁大黃之屬下之清之此釜底抽薪大黃不妨重用也更有溫熱之症藥宜涼解誤用辛溫而動經

血亦能致衄宜清血分犀角連翹赤芍丹皮元參生地牛膝茜草根茅根之屬清之解之如衄後身涼脉靜邪從紅汗而解也若衄後病熱反劇者更傷其陰也大為危候其衄勢必重須大劇六味飲加麥冬五味主之衄止則生有衄者太甚陽隨陰走四肢厥冷者六味加牛膝肉桂以鎮之仲景論云若頭痛者必衄宜桂枝湯此桂枝湯補在上文當須發汗下又云劇者必衄衄乃解麻黃湯主之此麻黃湯補在上文當發其汗下乃古人倒筆法是申明致衄之由於表非謂衄後服麻黃桂枝也觀下文衄家不可發汗之義可知矣

吐血新法

傷寒吐血每因失治所致有因太陽感寒無汗惡寒頭痛發熱寒邪外法當發汗若失於表散陽氣不得外洩則逆走陽絡絡血妄行則致吐血或由其人素有血症寒邪犯肺而咳震傷血絡亦致咳血均當以清疏營衛表散寒邪為治古人皆以麻黃桂枝等湯治血症是也然未免太峻當小其製用羌活蘇葉荊防薄荷等以去風散寒橘紅杏仁以降氣芍藥甘草以安營微蕪渴者少佐黃芩以清熱則營衛之邪解散自然嗽止身涼血不治自止矣

若內有伏火外感寒邪熱被寒束火逼絡血而致衄血咳血者外症亦惡寒發熱但兼口渴古乾為異治宜辛涼清解營衛須用川羌活桂枝石羔羚羊角黑梔丹皮黃芩桑杏之屬散之清之次用和血清絡之品調之

有因風溫之邪誤汗動血有因三陽熱盛沸騰經血皆致吐衄凡見眼閉目紅神昏語乾煩躁漱水皆熱傷血絡之症也宜犀角生地丹皮山查川鬱金淨銀花赤芍連翹川連之屬以清絡中之瘀熱大便秘者加製大黃尤妙



若無胸

滿而痛者血瘀于絡也當攻之犀角生地歸尾桃仁赤芍查肉青皮降香太黃之屬行之清之

有誤發少陰之汗動其經血從口鼻耳目中出者名下厥上竭不治有暴吐臭腐之血名肉潰不治

蓄血 述古

凡太陽病不解其邪由經入腑熱結膀胱則血凝蓄血瘀則心氣結其人故如狂血下者愈邪從血下而解也其外不解者當先解其外宜桂枝湯外已解但小腹急痛者是蓄血也桃仁承氣湯下之

太陽病六七日表症仍在脈微而沉者病邪向裏也反不結胸者熱結下焦也其人發狂小腹鞭滿小便自利者以太陽隨經瘀血蓄於裏也抵當湯下之則愈 同一蓄血桃仁承氣治瘀血將結之時抵當治瘀之後

太陽病身黃脈沉結小腹鞭小便不利者為無血也此濕熱不行之故小便自利其人如狂者血症諦也 陽明病其人喜忘者必有蓄血蓋心主血血凝則心氣結而失其官矣故喜忘者素有瘀血非傷寒所得也屎雖鞭大便反易其色必黑以浮血隨便而下故也俱宜抵當湯主之

傷寒有熱少腹滿應小便不利今反利者為有血也當下之不可餘藥宜抵當

丸緩下其血

以上述仲景論兼參
來蘇集類方註釋之

蓄血一症雖病在血分亦須分別陰陽治之如血瘀上焦為陽血蓄下焦為陰太陽失表熱瘀于裏血蓄下焦為陽太陽誤下陽氣下陷血蓄下焦為陰 上焦

蓄血因不得汗不能發癰而蓄血也其脈人迎必緊緊者數而有力之象也外症面紅舌燥發躁欲狂或頭搖目瞪大便下血水兩手除食指之外其餘各指皆抽掣是也宜犀角桃仁生地赤芍歸尾丹皮丹參鬱金之類清之行之下

焦陽症蓄血即仲景所稱熱結膀胱之症桃仁大黃之屬下之是也若下焦陰症蓄血乃因誤下陽氣下陷陰血受傷血因寒而凝也其見症面白目青眉皺目瞪寒戰口噤舌胎白滑大便下水水兩手除食指之外其餘各指皆抽掣是也宜溫補之如人參附子白朮當歸肉桂桃仁升麻炙草之類溫補以升陽氣如服藥後寒噤稍止一二時復作者此藥力不及再進之以續陽氣寒噤得止者生不已則死

參傷寒第一書

凡蓄血症大便下水水見糞者生不見者死

熱入血室

附

婦人傷寒當經水適來適斷之時熱邪乘虛而入血室其証晝日明了夜則譫語如見鬼狀若發熱惡寒日輕夜重小腹脹滿者血為熱瘀也當用柴芩紫蘇荊芥當歸川芎益母香附查肉丹參丹皮等和血散邪藥下咽即得汗而解有汗者為表虛前方去紫蘇加桂枝和解之寒熱如瘧者前方亦加桂枝和解之若厥而下利者此非熱邪乃為寒邪所襲也前方去黃芩加桂枝乾姜溫散之煩渴者屬裏熱去紫蘇香附加黑梔子清之若小腹硬滿作痛者以逐瘀為急

前方去紫蘇加桃仁紅花延胡牛膝等攻之引之

合參金鑑第一書

痞 述古註釋參來蘇集

痞與結胸同為鞭滿之症當以痛為辨滿而硬痛為結胸為實熱宜陷胸法治之滿而不痛為痞滿為虛熱宜用瀉心法治之然結胸未甚亦以瀉法治之足矣蓋實者為結胸虛者為痞滿兩症兼參可也

論曰傷寒五六日嘔而發熱柴胡症具而以他藥下之但滿而不痛者為痞宜半夏瀉心湯

此因誤下寒反入裏阻君火之熱化而結無形氣痞故用乾薑散寒苓連泄熱半夏散結止嘔參草補胃氣以助半夏開寒結而痞自解

傷寒中風醫反下之其人下利日數行穀不化腹中雷鳴心下痞硬滿而乾嘔心煩不得安醫見心下痞謂病不盡復下之其痞益甚此非熱結但以胃中虛客氣上逆故使鞭也甘草瀉心湯主之

此痞因胃虛水氣上逆火氣不得下降結而為痞故以甘棗和胃之陰半夏啟胃之陽坐鎮中州不使下焦客氣上逆仍用苓連以瀉已逆痞氣

傷寒大發汗後復發汗心下痞惡寒者表未解也不可攻痞當先解表表解乃可攻痞解表宜桂枝湯攻痞宜大黃黃連瀉心湯

此君火元甚不得下交於陰而成痞故藥不煎而泡欲其輕揚清涼以滌其用其氣不用其味也

心下痞大便秘心煩不得眠惡寒汗出者附子瀉心湯主之

此熱在三焦故用三黃瀉熱惡寒汗出又慮亡陽故即用附子徹上下以溫經附子別煎取汁者取三黃之氣輕取附子之力重也

傷寒汗解之後胃中不和心下痞鞭乾嘔噫食臭脇下有水氣腹中雷鳴下利生薑瀉心湯

胃藏津液發汗則津液亡故胃不和而成痞生薑能生發胃中升騰之氣故名湯佐以人參甘棗則益胃氣以生津液乾姜半夏破陰以導陽苓連瀉陽以交陰通方破滯宜陽亦瀉心之義

傷寒發汗若吐若下解後心下痞鞭噫氣不除者旋覆花代赭石湯主之此因三法後心氣虛不可復用瀉心故製此湯以散結消痞

痞滿 新法參葉案

按胃居心下心下痞即胃痞也不曰瀉胃而曰瀉心恐人誤認為傳入陽明而
以治陽明法治之也傷寒誤治成痞五瀉心法已盡但此外尚有暑濕痰食邪
穢凝結成痞者亦宜兼參

如隔悶心煩痞滿而喘急者熱痰內閉也宜梔豉湯加川鬱金瓜蒌仁枳實杏
仁之類開之宣之

如脘中痞悶而兼頭脹目黃脉象濡濇者此暑濕伏邪凝滯胸中也宜清疏中
宮川連枳壳半夏厚朴鬱金草薢滑石粉茯苓皮之類

如脘中痞悶身熱口渴舌胎白燥者此暑邪阻於氣分也宜滑石粉川鬱金枳
實橘紅黃芩知母桂枝竹茹之類以清氣分之熱痞自開矣

如脘痞滿悶舌胎白膩脈濡緩口不渴者此濕邪阻於氣分也法宜開泄用二
陳湯去甘草加茅朮白蔻鬱金枳實厚朴杏仁通草之屬以開濕結痞滿自除矣
若觸穢暑兼挾食滯脘中痞滿飽悶嘔惡腹中板痛亦宜清疏中宮如廣藿香
川鬱金川連枳實白蔻厚朴木香汁生查肉萊菔子之類 若穢暑挾食結於

下焦二便不通胸腹脹滿痛楚難忍者非枳實大黃承氣湯輩不除
若怒動肝火或怒後加餐而成痞滿或結於左脇之下古黃口渴脉弦數或無
脇痛吞酸左金加川鬱金枳實之類主之

若暑濕之邪未清誤投補劑以致胸膈脹滿脘中痞悶硬痛幾成結胸者亦宜
瀉心法治之加二陳枳實厚朴川連查肉鬱金萊菔子木香汁之類

結胸述古

傷寒病發於陰下之太早則成痞鞭病發於陽下之太早則成結胸均為表邪
乘虛入裏而成痞鞭滿按之不痛者為痞滿屬虛邪鞭滿按之大痛者為結胸
實邪也因熱入有淺深故結胸分大小從心下至小腹硬滿而痛不可按者為
大結胸其脉沉緊其症但頭汗出項強如瘕此由太陽失表而誤下邪入胃中
與不得化汗之水氣相結而成也夫太陽寒水之氣結於陽明當以大陷胸湯
猛烈之劑竟從陽明攻陷大黃攻熱結甘遂攻水結佐以芒硝之鹽制二者之
苦不令直行而下使其引入硬滿之處軟堅破積導去熱邪如止在心不及胸
腹按之知痛不甚硬者為小結胸其脉浮滑是水與熱邪凝結痰飲留於胸膈



脈絡間也故用小陷胸湯以陷中焦脈絡之邪使從無形之氣而散括蔓生於蔓草故能入絡以陷膈上之痰半夏成於陰月故能通陰以散結氣黃連以陷胸中之熱熱解痰開其結自散 若結胸身有微熱頭自汗出胸中澆澆有聲者水結胸也大陷胸丸主之 若結胸硬滿而痛漱水不欲嚥者血結胸也由於血瘀不能衄解或已衄未盡或婦人經水適來適斷皆能成之內實者桃仁承氣攻之未實者和血散結治之

合參來蘇集
選註金鑑

物白散主之

參來蘇集

若飲食在胃未當下而早下之胸膈高起手不可近此食因寒凝而成結胸宜理中湯加枳實厚朴之類溫胃和中不可進寒涼

參真旨

結胸又有不因誤下而成者如論云傷寒六七日結胸熱實脉沉而緊心下痛按之石鞭者大陷胸湯主之是也此不云下早但云熱實乃傷寒實邪傳裏不因誤下而自結聚於胸者也治法總當以痞滿門諸法酌其輕重從手緩治為當再用外審法以解散胸中實邪取效尤捷

參景岳

結胸與臧結皆因下早邪氣入裏而成邪與陽結為結胸邪與陰結為臧結結
胸在心之分臧結在腎之分結胸可治陽主生也臧結不治陰主殺也

參
集



南京中醫藥大學圖書館藏



下利述古

三陽合病下利有熱無寒三陰下利自利屬寒陽邪屬熱太陽陽明合病自汗利者此風邪入胃也脉浮而長所見皆太陽症以下利故知與陽明合病也用葛根湯表提風邪利自止矣

若桂枝症誤下而利不止脉促者表未解也汗出而喘當用葛根黃芩黃連湯外解表邪內清裏熱

太陽少陽合病自下利者黃芩湯此熱邪已入少陽之裏胆火大熾移熱於肝故自下利脉浮而弦外症必頭痛胸滿口苦咽乾脉弦或往來寒熱熱邪不在半表而在半裏故不用柴胡而主黃芩嘔加半夏生姜治痰飲也

少陽陽明合病自下利者其脉不負者順也負者失也滑而數者有宿食也當下之如發熱嘔惡心下痞硬或往來寒熱大柴胡湯主之

則弦緊為負而逆

陽明脉勝則洪緩為不負而順少陽脉勝

按三陽合病下利惟少陽陽明為重土受木剋也故陽明脉勝為順陽明脈負為失失者死也

註釋參來蘇集



三陰下利俱詳見本病下如腹滿而痛吐利交作或下利清穀吐利四逆或下利身重小便不利等症皆屬三陰本藏虛寒當以理中四逆真武輩治之
三陰熱邪下利太陰有暴煩下利腹滿大痛咽乾而渴之症少陰有自利清水色純青心下痛口乾燥之症俱是轉屬陽明宜承氣輩主之少陰又有四逆泄利下重小便不利腹中痛之症亦屬熱邪宜四逆散厥陰熱利下重渴欲飲水脈弦而數此風木熱邪乘脾白頭翁湯主之

凡厥陰病先發厥後發熱不退者必便膿血也脈數有力從陽治脈沉無力從陰治

下利新法

凡傷寒熱邪正盛之時必在陽明胃經陽明以胃實為故大便不通然火症往往下黃黑稠粘之物此熱邪下逼大腸非痢也雖通仍作不通論只用清火解毒以治陽明其利自止

如傷寒熱症下利純結水或黃沫潮熱腹硬脈沉滑有力者此名傍漏因腸有燥矢阻塞水漿從旁滲出病在陽明非關脾也導去燥矢其痢自止

有陽明火症邪火不殺穀吃湯下湯吃水下水此有陽明實症可據非若脾腎俱敗者此亦只清其火邪其痢自止有一種外感風寒內傷飲食其症頭痛惡寒發熱惡心飽悶腸胃窘迫而泄瀉者此表裏俱病法當外散表邪內消積滯不在傷寒變病之例

有一種表熱裏寒之症初起頭痛惡寒發熱繼即下痢清穀脈浮而遲口不渴俗名漏底傷寒是也良由其人脾胃本虛一感外邪即得直入腸胃不在太少留連當溫中散寒加紫蘇桂枝羌活厚朴廣皮木香茯苓甘草之類甚者如冬朮乾薑

若陽邪傳裏熱邪攻於腸胃而變下利膿血者重症也然亦有寒熱之分蓋邪至三陰為日已久實者則從陽化熱虛者則從陰化寒矣如少陰下利用豬苓湯者從陽化熱也用桃花湯者從陰化寒也辨症之法以脈數有力為熱脈緩無力為寒舌燥口渴屬熱舌潤不渴屬寒小便赤澀屬熱清白屬寒下利腸垢屬熱鴨溏屬寒熱利臍下必熱寒利臍下必寒熱利當清其腸寒利當溫其下凡傷寒疫癘熱邪傳裏下利腸垢或下鮮血小溺赤澀舌胎黃燥如刺或紅刺